



Zavod za fizikalnu
medicinu i rehabilitaciju
Dr Miroslav Zotović

Broj: 127-04-828-61/19

Datum: 31. 12. 2019 .godine

Na osnovu člana 8. i člana 70. Zakona o javnim nabavkama ("Službeni glasnik Bosne i Hercegovine" broj 39/14) te odredbi Pravilnika o postupku dodjele ugovora o uslugama iz Aneksa II dio B Zakona o javnim nabavkama ("Službeni glasnik Bosne i Hercegovine" broj 66/16) i Poziva za dostavu ponuda u postupku dodjele ugovora koji za predmet Javne nabavke imaju usluge iz Aneksa II dio B Zakona o javnim nabavkama- Usluge obrazovanja i stručnog usavršavanja za potrebe Zavoda, direktor donosi:

Odluku

o izboru najpovoljnijeg ponuđača za usluge iz Aneksa II dio B Zakona o javnim nabavkama BIH

Član 1.

U postupku dodjele ugovora o uslugama iz Aneksa II dio B Zakona o javnim nabavkama prihvata se ponuda **"RN Terapija" d.o.o. Ljubljana (Slovenija)**, za nabavku usluge obrazovanja i stručnog usavršavanja za potrebe Zavoda- **EBTA Temeljni Bobath kurs za rad sa djecom i odraslima**, ponuda broj **127-04-828-60/19 od 31.12.2019.godine** sa ponudenom cijenom **od 83.300,00 evra, odnosno 162.920,64 KM (ponuđač nije registrovan u sistemu PDV obveznika)**, kao najpovoljnija ponuda, **te se priloženi predračun/faktura smatra zaključenim ugovorom.**

Član 2.

Temeljni Bobath kurs za rad sa djecom i odraslima će trajati 10 sedmica i održavati se u sljedećim terminima: prvi dio od 17.02. do 08.03.2020. godine (3 sedmice), drugi dio od 23.03. do 19.04.2020. godine (4 sedmice) i treći dio od 11.05. do 31.05.2020. godine (4 sedmice). Kurs je predviđen za 20 učesnika iz Zavoda.

Član 3.

Ova Odluka stupa na snagu danom donošenja i biće objavljena na web stranici Zavoda (www.zotovicbl.com), istovremeno sa upućivanjem ponuđaču, u skladu sa članom 70. stav 6 Zakona o javnim nabavkama.



Obrazloženje

Odlukom o pokretanju postupka broj 127-04-828-1/19 pokrenut je postupak za nabavku usluga- Usluge obrazovanja i stručnog usavršavanja za potrebe Zavoda te je Poziv za dostavu ponuda u postupku dodjele ugovora koji za predmet Javne nabavke imaju usluge iz Aneksa II dio B Zakona o javnim nabavkama za ovu nabavku objavljen na web stranici Zavoda (www.zotovicbl.com) 18.01.2019. godine.

Istovremeno sa objavom na web stranici, poziv je u skladu sa članom 7. Pravilnika o postupku dodjele ugovora o uslugama iz Aneksa II dio B upućen na tri adrese: "REC" d.o.o. Sarajevo, ZAMM media consulting d.o.o. Sarajevo i EU Tender Banja Luka.

Dana 31.12.2019. godine ponuđač "RN Terapija" d.o.o. Ljubljana (Slovenija) dostavio je ponudu broj 127-04-828-60/19 za predmetni kurs sa ponuđenom cijenom od 83.300,00 evra (ponuđač nije registrovan u sistemu PDV obveznika) te je ista ocijenjena kao prihvatljiva u skladu sa kriterijumom najniža cijena tehnički zadovoljavajuće ponude.

Bobath koncept je interdisciplinaran, holistički pristup u procjeni i tetmanu djeteta sa ograničenim sposobnostima zbog oštećenja koja mogu biti izražena u motoričkom ponašanju, komunikacijskim sposobnostima, senzornoj i kognitivnoj funkciji.

Bobath koncept se zasniva na podrobnoj analizi i razumijevanju senzomotornih funkcija, tonusa i obrazaca kretanja te njihovog uticaja na svakodnevni život djeteta. Naglasak je na koordinaciji obrazaca kretanja i funkcionalnoj aktivnosti koja pomaže djetetu da dobije veću kontrolu kretanja u interakciji sa okolinom.

Veliku ulogu u primjeni Bobath koncepta imaju i sami roditelji koji se obučavaju kako bi zajedno sa doktorima, fizio i radnim terapeutima, psiholozima i logopedima učestvovali u osposobljavanju svog djeteta.

S obzirom na potrebe kompleksne habilitacije i rehabilitacije djece, posebno u kontekstu nabavljene opreme za robotski asistirani trening, zbog potrebe za povećanjem broja članova tima za dječiju rehabilitaciju, te s obzirom na fluktuaciju kadra (prethodni odlaski terapeuta u inostranstvo), neophodno je provesti ciklus edukacije u Bobath konceptu svih članova tima sa Dječijeg odjeljenja (doktori, fizioterapeuti i radni terapeuti). Edukacija cijelog tima u Bobath konceptu traje 10 sedmica i predstavlja osnovu za neurorazvojni pristup liječenju, habilitaciji i rehabilitaciji djece sa smetanjama u razvoju.

Temeljni Bobath kurs za rad sa djecom i odraslima će trajati 10 sedmica i održavati se u sljedećim terminima: prvi dio od 17.02. do 08.03.2020. godine (3 sedmice), drugi dio od 23.03. do 19.04.2020. godine (4 sedmice) i treći dio od 11.05. do 31.05.2020. godine (4 sedmice).

Samo obučeni kadar u oblasti neurorazvojne terapije može primjenjivati nove tehnologije kao što je robotski asistiran trening kako bi ciljevi bili adekvatno postavljeni i omogućili prerasnane poboljšane funkcije kretanja u funkcionalne obrasce aktivnosti svakodnevnog života djeteta.



Zavod za fizikalnu
medicinu i rehabilitaciju
Dr Miroslav Zotović

Kako se, u skladu sa tačkom 3.1. Poziva za dostavu ponuda priloženi predračun/račun ili faktura smatraju zaključenim ugovorom odlučeno je kao u dispozitivu ove odluke.

Pouka o pravnom lijeku:

Protiv ove odluke može se izjaviti žalba u skladu sa članom 101. stav 4 Zakona o javnim nabavkama BiH.

Žalba se podnosi u pisanoj formi, ugovornom organu, u dovoljnom broju primjeraka.

DIREKTOR

Prim. dr sci. med. Goran Talić
Spec. ortopedije sa traumatologijom



Goran Talić

